

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Nilus Mysticus Profluens Ex Paradiso Voluptatis, Sive Doctrinae Ad Mentem Scoti Theologicae, Ac Per Duodecim Alveos Regios In Flumen Magnum Serenissimae Marchionum Badensium Genealogiae Sese ...

Stümmel, Friedrich

Fulda, 1673

Serenissime & eminentissime Cardinalis, serenissime princeps, domine
clementissime

[urn:nbn:de:bsz:31-11315](https://nbn-resolving.org/urn:nbn:de:bsz:31-11315)



SERENISSIME & EMINEN-
TISSIME CARDINALIS, SERE-
NISSIME PRINCEPS, DOMINE
CLEMENTISSIME.



Serenissimam Eminentiam Tuam ex
Septentrione in Meridiem, è Buchonia ad
remotissimas ultimæ Hesperiaë oras, pro
acerrima Cōcertationis Scholasticæ Luc-
ta in celeberrimis Seraphicæ Religionis nostræ Comi-
tiis, cum acutissimis instituenda Hispaniarum, aliisq;
aliarum partiū Mundi Theologis, ad celeberrimam
Urbem Toletanam dictorum Comitiorum causâ cō-
scriptis, Patronum & Judicem à Provincia *Fratrum*

Mino-

Minorum Recollectorum S. Elisabethæ Ungarorum Reginae sacra electum esse, nullus credo in admirationem trahet, nisi qui ignorat *S. Elisabetham* Inclytam Patronam Nostram, *Eminentissimæ Serenitati tuæ* quoque consanguineam esse, & patrocinium, quod illa Provinciae nostræ præstat in cælis, *Celsitudinem Tuam* eidem præstare in terris. Sanè si non egeat alienâ luce, qui à proprio lumine fulgorem depromit, isthæc Theologica Concertatio nostra non aliunde, sed *Serenissimi sanguinis tui Majestate* irradiata, splendorem adeptâ est totâ Europâ lucidissimum; utpote quæ & symbolicè concepta, & symbolicè nata ex tali altissimæ *Domus tuæ* structura, cujus architectura sunt Miracula, cujus conca-
 merationes Prodigia, cujus ambulacra Provin-
 ciæ, cujus fundamenta Heroes, cujus cœmenta
 Celsitudines, cujus Agnati Reges, cujus cogna-
 ti Imperatores, cujus Nati Soberani Marchi-
 ones, quorum supremus honor in eo potissi-
 mùm verti cognoscitur, quod ex Augustissimo Au-
 striacorum sanguine, stirpe admodum feliciter, nun-
 quam interruptâ serie, nunquam deficiente nobilio-
 ris sexus prole, ad nostrum usque ævum propagata,
 paternæ profapiæ genus derivant, ex quo velut ex
 Equo Trojano immortalium & propè cœlestium
 Marchionum prodierunt Cohortes; unde singulari
 prærogativâ Marchiones Badenses inter Summa
 hodie, & præcipuos Germaniæ Proceres antiquitæ
 veneratione præfulgent; nimirum quia non sol

Principum privilegiis & auctoritate, annis jam omnino sexcentis in Imperio Romano Germanico coruscantes, inter Primores & Pares, ut vocant, curiæ, jam tum *Henrici III. & Conradi I.* Imperatoris temporibus, quoties Comitia vel celebriores Ordinum Conventus haberi contigit, in subselliis Ducum, cum sublimi Marchionum Badensium prædicato cõsiderint; sed diutissimè hæreditarium Marchionum characterem, ante traxerunt ex antiquissimis Marchionibus *Zeringiis*, *Zeringij* ex *Habsburgiis*, qui Principum tum Austriacorum, tum Badensium progenitores fuerunt, non aliunde quam de prima & antiquissima Francorum nobilitate ex *Alsatiæ Ducibus Pharamundo* antiquioribus: ex quibus in confesso est, *serenissimam Domum tuam* juxta id: *Fortes creantur fortibus*, omni tempore laudatissimorum Heroum, qui arte & Marte potentes, seu qua sagæ quave toga clari fuerunt, Altricem extitisse ac perpetuam intemeratæ gloriæ Officinam, ut nullum effluerit sæculum, quo præclara Badensium Heroum familia vel ob Bellicæ gloriæ facinora, vel ob togatæ felicitatis monimenta apud omnes gentes non fuerint in admiratione. Has *Majorum Tuorum* coronatas glorias hæreditarius sanguinis in *te* sordescere non pertulit, quin potius genio & ingenio *tuo*, quibus pari felicitate & excellentia polles, annatas esse jamdudum *Tua* in DEUM religio & fides, qua nulli es secundus, in Imperatorem & Imperium evidenter demonstrant; qua ratione superioribus Germa-

niæ periculis adversus Turcicam impietatem instar
 Eliæ martialis glorię capulo renibus cinctus, *Leopoldi I.* Labara gubernans, igneos religionis & Zeli tui
 radios, celerrimi fulminis instar, in hostem evibrasti,
 pro DEO & Ecclesia, in cruentissimo cum Turcis
 prælio, aut acinaci sanguinem daturus, aut *Leopoldo*
Imperatori victoriam, quâ & gloriosè potitus fuisti
 cum Serenissimis Marchionibus Germano *Fratre*
tuo, & *Cognato Leopoldo*, qui unanimi Principum
 consensu cum totius Imperij votis, velut bellicosissi-
 morum Heroum Optimates Turcicę superbix repri-
 mendæ objecti fuerunt. Ex castris deinde ad clau-
 strum, cum *Constantino Magno* deposito Martis
 baltheo, pro Labaro crucem, pro sago togam es am-
 plexus, ut cum *Hermanno I.* Marchione Badensi
 sub Benedicti vexillo Mundo delitesceres; Verùm
 secundùm sanctissimum summi in terris Vicarij Cle-
 mentis X. zelum, utpote, qui ex suprema judicij sui
 specula dotum *Tuarum* merita in æquitatis statera
 librarat, haud diu intra Buchoniæ angustias abscon-
 dendus, sed adjuvandæ *Petri* Naviculæ, supra can-
 delabrū Ecclesię, quo illam prudentię *Tuæ* & virtu-
 tum splendore illustrares, Purpuratorum *Quiritum*
 Senatui, cum plausu Urbis & Orbis adlectus fuisti; &
 hinc hodie in Eminentissimorum coetu Romana Si-
 dera, *Te* novum Astrum mirantur, non ideo Eminen-
 tissimum, quia purpuratum; sed quia Eminentia
 Tua, cui velut *Alexandro Magno* non unus sufficit
 orbis, visibilis Solis visibiliter super nos per duode-
 cim

cim signa gloriôsè oberrantis, quasi æmulus existens, in splendidissimo profapia *Tua* Zodiaco, duodecim Regna *Tibi* in Regibus propinqua gloriosissimè colustras, & eminentissimè illustras, ut *Celsissima Serenitas* *Tua* non Eminentiam à Purpura, sed purpura à *Te* *Eminentiam* sit adepta, nimirum singula, quæ *Te* magnum faciunt, *Serenitas* *Tua* efficit majora, & Midæ instar, quæ tangis, in aurum vertis: Sic Pastorale *Ducalis Ecclesiæ Fuldensis* Pedum, *Te* Magnum & Primum Imperii fecit *Abbatem*, at *Tu* illud attollens in *Teipso* ad Ecclesiæ erigis columnam: illud dedit, quod esses *Divæ Augustæ* magnus Archi-cancellarius; *Tu* Archi-cancellarium *Augustæ* facis esse consanguineum, ut æmulo affectu sublimissimum Augustissimi Diadematis Lemniscum *Imperatricis* vertici obduceres, quo *Invictissimus Imperator* cognatum sibi *Caput tuum* solemni ritu rubeo *Byreto* purpuravit: illud denique fecit, ut esses per Germaniam & Galliam *Primas*; *Tu* illi bono illius publico, & prisca *Fuldensi* gloriæ reparandæ primas reddis. Equidem *Serenissime & Eminentissime Princeps Cardinalis*, & si hæc omnia, quæ *Te* Magnum faciunt, fiant per *Tuam Eminentiam* maxima, ideoq; *Serenissimi Nominis Tui* Monimentum ære, vel auro perennius gloriôsæ perpetuitati in posterorum manus tradant: verùm in uno, in quo omnia summa transcendis, & in quo *Magnitudinis Tuæ* Imaginem avitis coloribus expressam, velut in nitidissimo speculo pulcherrimè reflexã cernimus, *Te*

maxi-

Maximum & Maximis Majorem profiteor, estq; admiranda *Tua* in omnes *Clementia*, quæ, quia rarò apud sublimes flat aura lenis, est consummata Principum perfectio, hac & infimos quosq; alloquio dignaris *Tuo*, & minimorum supplicum vota, priusquam audias, exaudis, & clementissimè admittis, & blandissime respicis universos, quorum animis, præcipuè Clientum Tuorum Fratrum Minorum *Clementiæ Tuæ* characterem adeo inculpsisti, ut iis sit unicè in votis dum orant, dum ad *Aras* sacrificant, non tantùm Antistitem, sed Patrem suum **BERNARDUM GUSTAVUM** commendare Altissimo, ut Eum toti Ecclesiæ, Imperio Romano, Patriæ, Ordinique nostro Seraphico, & omnibus bonis, in pulchritudine pacis, & plenitudine annorum salvum & incolumem salvet, servetque. Ita reverentissimè *Purpuræ Tuæ* Limbum exosculans, optat, & fovet

Serenissimæ Eminentiæ Tuæ

Æternum Devotus

F. FRIDERICVS STÜMELIVS,
SERENISSIMI ac EMINENTISSIMI CARDINALIS
de BADEN THEOLOGVS.